



Ayuntamiento de Vigo
Secretaría General-Pleno

PILAR SABORIDO DIAZ, SECRETARIA XERAL ACCTAL. DO PLENO DO EXCMO. CONCELLO DE VIGO, por delegación do 30.06.25.

CERTIFICA: Que o Pleno do Concello, en sesión ordinaria do día 30 de xuño de 2025, adoptou o seguinte acordo:

3. APROBACIÓN DA CONTA XERAL DO CONCELLO DE VIGO E DO ORGANISMO AUTÓNOMO DA XERENCIA MUNICIPAL DE URBANISMO, CORRESPONDENTE AO ANO 2024. EXPTE. 305/143 (EXPTE. PLENO 4985/1101).

ANTECEDENTES.- Con data 13 de xuño de 2025, a Dirección Superior Contable e Orzamentación emite o seguinte informe proposta,

"Unha vez formada a Conta Xeral correspondente ao Orzamento do ano 2024, rendida polo Sr. Alcalde-Presidente por Resolución do 6 de maio de 2025 e ditaminada pola Comisión Especial de Contas en sesión do 16 de maio de 2025 foi exposta ao público polo prazo que regula o art. 212.3 do texto refundido da Lei Reguladora das Facendas Locais (TRLRFL), aprobado polo Real Decreto Lexislativo 2/2004, de 5 de marzo, publicada no Boletín Oficial de Provincia de Pontevedra nº 95 do 21 de maio, rematando o prazo para presentar reclamacións e alegacións o 11 de xuño, e segundo consta na certificación do Rexistro que figura no expediente, no prazo de exposición o público, non houbo reclamación algunha, e ao obxecto de dar cumprimento ao previsto no artigo 212.4 do TRLRFL, sométese á consideración do Pleno da Corporación.

O Ditame da Comisión Especial reflectía que de non presentarse reclamación algunha perante o período de exposición, polo Sr. Secretario da Comisión, previa certificación que acredite o anterior, se remitirá á Secretaría do Pleno o expediente para a súa inclusión na orde do día do Pleno.

En cumprimento do previsto no artigo 212.5 do TRLRFL coa modificación incorporada pola DF 19 da Lei 11/2020, de 30 de decembro, unha vez que o Pleno se haxa pronunciado, aprobándoa ou rexeitándoa, remitirase ao ao Tribunal de Contas e ao Consello de Contas de Galicia antes do 15 de outubro, data prevista no artigo 223 do TRLRFL. De terse recibido reclamación durante o prazo establecido, se informarán, e a Comisión Especial de Contas, formulará proposta ao Pleno da Corporación para o seu pronunciamento antes do día 1 de outubro.

En execución do anterior, segundo certificación que consta no expediente, ao non terse presentado reclamacións nin alegacións no prazo de exposición pública que regula o artigo 212.3 do TRLRFL, propónse ao Pleno da Corporación, a adopción do



Copia do documento - Concello de Vigo	Data impresión: 07/07/2025 13:56	Páxina 1 de 4
305-143	CSV: A9A988-2E5A3A-84B63D-Y8H1Q1-CHR5U6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

seguinte acordo.../...

Deseguido o funcionario informante emite a proposta que se contén na parte dispositiva deste acordo.

DITAME. A Comisión Informativa de Orzamentos e Facenda, na súa sesión ordinaria do 16.05.25, ditamina favorablemente dita proposta.

DELIBERACIÓNS. Constan no arquivo audiovisual incorporado á Acta .

VOTACIÓN: Con dezaioito votos (18) a favor, dos membros presentes do grupo municipal Socialista, señores e señoras, Aguiar Castro, Alonso Suárez, Aneiros Pereira, Caride Estévez, Espinosa Mangana, Estévez Rodríguez, Fernández Pérez, Gómez Díaz, Iglesias González, Iglesias López, Lago Barreiro, López Font, Mejías Sacaluga, Pardo Espiñeira, Rivas González, Rodríguez Calviño, Rodríguez Rodríguez e a Presidencia, e oito votos (8) en contra, dos membros do grupo municipal do Partido Popular (5), señoras e señores, Benavides Alonso, García González, Gonzalez Abeijón, Martín Peña e Sánchez Méndez, e mais dos membros do grupo municipal do BNG (3), señores e señora, Abalde Comesaña, Martínez Piñeiro e Pérez Igrexas, o Pleno da Corporación municipal adopta o seguinte,

ACORDO:

- a) Traspasar a resultados pendentes de aplicación, o saldo debedor ou acreedor en cada caso da conta 129 (Resultados do exercicio 2023), correspondente á Entidade Local, saldo acreedor 36.625.275,30 euros e Organismo Autónomo Xerencia Municipal de Urbanismo, saldo acreedor 6.177.368,93 euros, á conta 120 (Resultados de Exercicios anteriores).
- b) Aprobar a dotación de amortizacións na Entidade por unha contía de 7.479.937,44 euros e 7.527.712,61 euros nos estados consolidados.
- c) En aplicación do previsto na Base 54ª das de Execución do Orzamento, aprobar a dotación a saldos de dereitos de difícil recadación por unha contía de 36.596.338,42 euros na Entidade é 38.227.538,26 euros para os estados consolidados.
- d) Aprobar a Conta Xeral do Excmo. Concello de Vigo, integrada pola Conta da Entidade e a do seu Organismo Autónomo, Xerencia Municipal de Urbanismo correspondente ao ano 2024, composta polos seguintes estados e contas anuais:
 - Balance.
 - Conta de resultado económico-patrimonial.
 - Estado de cambios no Patrimonio Neto.
 - Estado de fluxos de efectivo.
 - Estado de liquidación do Orzamento e a Memoria e demais estados complementarios.
 - Memoria, coa desagregación que establece Orde HAP/1781/2013, de 20 de setembro, pola que se aproba a Instrución do modelo normal de



Copia do documento - Concello de Vigo

Data impresión: 07/07/2025 13:56

Páxina 2 de 4

305-143

CSV: A9A988-2E5A3A-84B63D-Y8H1Q1-CHR5U6-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

Contabilidade Local e coas explicacións e comentarios máis salientables dos feitos contables, financeiros e patrimoniais que aconteceron ao longo do ano 2024.

e) Aprobar os estados consolidados do grupo de consolidación de acordo ao previsto na Lei Orgánica 2/2012, de estabilidade Orzamentaria e sostibilidade financeira que serán enviados ao Consello de Contas de Galicia. O artigo 209.4 do texto refundido da Lei reguladora das Facendas Locais (TRLRFL), tras a modificación introducida pola Lei 3/2017 de Orzamentos Xerais do Estado para o exercicio 2017, establece a obrigación das entidades locais de formular contas consolidadas nos termos previstos nas normas de consolidación para as entidades locais a aprobar polo ministro de Facenda e Función Pública. Estas normas foron aprobadas pola Orde HAC/836/2021, de 9 de xullo, e tras a súa aprobación, os municipios con poboación superior a 50.000 habitantes e entidades locais de ámbito superior están obrigadas a formular contas anuais consolidadas dos exercicios que se inician a partir do 1 de xaneiro de 2022. Os estados consolidados que conforman o expediente son:

- Balance de Situación,
- Conta de Resultado Económico Patrimonial,
- Estado de Cambios no Patrimonio Neto,
- Variación dos Fluxos de Efectivo,
- Liquidación do estado de gastos por Áreas,
- Liquidación do estado de gastos por capítulos,
- Liquidación do estado de gastos futuros por capítulos,
- Liquidación do estado de ingresos por capítulos,
- Liquidación do estado de ingresos futuros por capítulos,
- Obrigacións de orzamentos pechados por capítulos,
- Dereitos de orzamentos pechados por capítulos,
- Resultado orzamentario,
- Memoria,
- Indicadores financeiros, patrimoniais e orzamentarios.

En relación á aplicación do saldo da conta 130 que reflicte as subvencións para o financiamento do inmovilizado non financeiro e activos en estado de venda por unha contía de 39.635.645,35 euros na Entidade e 39.888.927,67 euros nos estados consolidados dos entes con orzamento limitativo, non ten sido imputada contía algunha á conta de resultado económico patrimonial.

O criterio xeral é a súa imputación á resultados segundo os criterios previstos na norma de recoñecemento e valoración nº 18 " Transferencias e Subvencións", cando teñen a súa finalidade no financiamento de activos do inmovilizado intanxible, material e investimentos inmobiliarios, imputaranse como ingresos do exercicio en proporción á dotación á amortización efectuada nese período para os citados elementos ou, no seu caso, cando se produza o seu alleamento, corrección valorativa por deterioración ou baixa en balance.

Con carácter xeral, a maioría das subvencións recibidas que inicialmente se abonan na conta contable 9401, pasan a abonar a conta 130 ao peche do exercicio, financian investimentos-infraestrutura destinada ao uso xeral, polo que, a aplicación do prazo de amortización da infraestrutura presenta algunha dificultade e cuestionable obxectividade, de aí, que no peche das contas anuais do ano 2025, vaise propor unha imputación a resultados por DÉCIMAS partes, tomando como base o saldo da conta 130 do ano 2025, o resto dos anos, imputarase a mesma contía, chegado ao final do



Copia do documento - Concello de Vigo	Data impresión: 07/07/2025 13:56	Páxina 3 de 4
305-143	CSV: A9A988-2E5A3A-84B63D-Y8H1Q1-CHR5U6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

período de DEZ anos, avaliarase o saldo e tomarase unha nova referencia ou manterase o criterio.

En relación co criterio de traspaso de saldos das inmovilizacións materiais e investimentos en curso, cuxo saldo da conta 232 "infraestruturas en curso" é ao peche do ano 2024, de 145.304.046,96 euros e o da conta 2300 "Adaptación de terreos e bens naturais, inmovilizado material", de 3.576.826,74 euros, no peche do ano 2025, farase o traspaso do saldo do ano 2024 da conta 232 á conta 212 "Infraestruturas", pola contía de 145.304.046,96 euros, e a conta 210 "Terreos e bens naturais" o saldo da conta 2300 polo importe de 3.576.826,74 euros. Considérase en ambos casos, que os bens que foron obxecto do investimento en curso, están rematados e pasan a formar parte dos activos obxecto de amortización, agás os da 210, xa que os terreos non son elementos amortizables.

En relación co formato, o Tribunal de Contas considerou o novo formato recomendado pola IGAE na Resolución de 22 de decembro de 2022 como adecuado para seguir avanzando na rendición de contas en soporte informático.

Unha vez aprobada polo Órgano competente, a remisión e formato da Conta Xeral ao Tribunal de Contas e ao Consello de Contas de Galicia farase segundo a Resolución de 27 de febreiro de 2023, da Presidencia do Tribunal de Contas, pola que se publica o Acordo do Pleno de 23 de febreiro de 2023, pola que se modifica a Instrución que regula a rendición telemática da Conta Xeral das Entidades Locais e o formato de dita Conta, a partires da correspondente ao exercicio 2015.

E para que así conste expido esta certificación de orde e co visto e prace do Excmo. Sr. Alcalde, coa salvidade do artigo 206 do Regulamento de organización, funcionamento e réxime xurídico das entidades locais, en Vigo á data da sinatura dixital.

am

Vo e Pr.
O ALCALDE,



Copia do documento - Concello de Vigo	Data impresión: 07/07/2025 13:56	Páxina 4 de 4
305-143	CSV: A9A988-2E5A3A-84B63D-Y8H1Q1-CHR5U6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		